



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

8. Quàm meritò adulteri adulterijs conjugum puniantur?

urn:nbn:de:hbz:466:1-45686

connexa sunt. Nam neque maritus circa corruptelas aliorum coniuges occupatus, potest vacare domestica sanctitati; & uxor, cum in tale incidit matrimonium, exemplo ipso incitati, aut imitari se putat, aut vindicare. Cauendum igitur, ne occasionem vitij nostram temperantia demus: sed assuescant inimici mores duorum, & in eum paribus animis ferant. Nos ipsos in altero cogitemus. Nam fere hoc iustitia summa consistit, ut non facias alteri, quidquid ipse ab altero pati nolis. Commeritum ergo est supplicium, & populo adultero olim quoque dignum indicatum. Non visitabo super filias vestras, inquit Dominus, apud Oseam, cum fuerint fornicatae, & super sponas vestras, cum adulterauerint: quoniam ipsas meretricibus conuersabantur. Vult igitur Deus, ut poena, ex quo, adulterijs respondeat. Quae sane poena non est exigua. Siquidem ignis est, usque ad perditionem deuorans. Olim ignibus adulteria puniebantur; nunc saltem zelotypiae igne ea plechit Deus; qui utique usque ad perditionem deuorat; si adigit ad furorem. Hoc autem eum facere, Salomon est testis: Zelus & furor viri, non praeter in die vindictae, nec acquiescet cuiusquam precibus, nec suscipiet, pro redemptione, dona plurima. Certò grandis dolor, incredibilisq; ignominia, inquit S. Hieronymus, quando maritus in media ciuitate uxoris iniuriam prohibere non potest. Non est tantus dolor in filia constuprata, quantus in uxore polluta: maritus enim libentius audit uxorem interfici, quam pollui. Est autem hac poena maxima est, est tamen talionis, & iusta, quia etiam adulterium nefas est, vel iniquitas maxima: quam & Abimelech peccatum grande, ob insignem sceleris improbitatem, appellauit. Hac de causa ait Ecclesiastes: Inueni amariorum morte mulierem, quae laqueus venatorum est, & sagena cor eius, vincula sunt manus illius, qui placet Deo, effugiet illam: qui autem peccator est, capietur ab illa, ut puniatur. Inter omnes autem puniendi modos, amarissimus est, si adulterium vnius adulterio alterius plechatur; sed & iustissimus, iuxta illam iustitiae legem; In qua mensura mensi fueritis, remetietur vobis.

Osee, 4. 14.

Iob, 31. 12.

Prou. 6. 35.

S Hieron. in Amos. 6. 7.

Iob, 31. 11.

Gen. 20.

Eccles. 7. 27.

Matth. 7. 2.

IX. Cromer. lib. 4.

Quod Boleslao II. Polonorum regi, rerum alioqui gestarum magnitudine clarissimo, alijsque, sub illo, Veneri non minus, quam Marti militantibus, iustitiae contigit. Hic rex, victis